



Ukuhlomisa izingane zethu
ngelikusasa

Isiqinisiso 2

Isihloko sesifundo: Umkhuleko wethu

Umhlahlandlela womzali

Isikole sangeSonto Isikole sasekhaya



Mzali Othandekayo

Uyamukelwa kusifundo: **Umkhuleko wethu**

Lomqulu ukunika umhlahlandlela ofanele wokuba ungasethula kanjani lesi sifundo.

Ungasilungiselela futhi uthule kanjani lesi Sifundo

Nanka amanye amasu ngezansi wokulungiselela nokwethula lesi sifundo:

Isinyathelo	Okufanele ukwenze
1.	<p>Finyelela ku Webhusayithi ye-New Apostolic Church ngokufaka noma ngokuchofaza kusixhumanisi esilandelayo kusuka ku-WhatsApp: https://bit.ly/3NACSSHS</p>
2.	<p>Qoqa lezizinsiza zokufunda ezilandelayo ukuze uqiniseke ukuthi usihlomele lesisifundo:</p> <ul style="list-style-type: none"> • IBhayibheli • Isifundo ngefomethi ye-PDF esivele silungisiwe • Incwadi yengane yokusebenzela kanye namapensele, amakhilayoni, njll. • I-Vidiyo kiliphi okuyisiza sokufunda esingezekile / isisiza sokufunda ongazikhethela ngokuthanda kwakho • Ikhathekizimu yemibuzo nezimpendulo (Ikakhulukazi kulesisifundo sesiQinisiso). <p>Qaphela:</p> <p>2.1: Isikhathi esifanele sokuthulwa kwalesisifundo, kungemuva kwenkonzo yangeSonto ekuseni, ngokuhambisana nesikhathi sesikole sangeSonto ukuze kugcinwe inqubo yesikhathi esijwayelekile.</p> <p>2.2: Uyacelwa ukuba ugcine isifundo sibe mfushane uma kunokwenzeka, khumbula izinga lokunaka kwezingane zethu (gxila esifundweni) - uyazi kangcono ingane yakho!</p> <p><i>Isikole sangeSonto ngokuvamile asidluli imizuzu engama-45.</i></p> <p>2.3: Lesisifundo silungele ibanga lesiQinisiso 2.</p> <p>2.4: Uyacelwa uthinte uThisha wakho wesiQinisiso uma udinga noma yiluphi usizo noma uma udinga ezinye izinsizakufunda kulezi ezingenhla.</p>
3.	<p>Khuleka (bheka umkhuleko osekugcineni kwalomqulu) bese ucela uNkulunkulu ukuba akusebenzise njengethuluzi ukwethula isifundo ngendlela Yena afuna ukuba uthule ngayo.</p>



Fundisa lesisifundo sesikole sangeSonto ekhaya

Ungasilungiselela futhi usifundise kanjani lesisifundo

Siyaqhubeka nokwabelana ngezululeko ezithile zokuthi ungasilungiselela futhi usifundise kanjani lesisifundo:

Isinyathelo	Okufanele ukwenze
4	Yenza indawo ilungele ukufundisa engenaziphazamiso lapho wena nengane / nezingane nisezingeni elifanayo. Isibonelo: Hlala phansi ocansini noma eduze kwetafula.
5	Funda kulesisifundo. Phinda ufunde futhi isifundo ukuze usiqondisise kahle. Bukela lesisifundo sevidiyo kiliphu ukuze uthole ukuqonda okungcono ngalesisifundo.
6	Zenzele amanothi ngamaphuzu abalulekile ongathanda ukuwakhumbula.
7	Yazi inhloso yalesisifundo ingane yakho okufanele siyikhumbule.
8	Yethula lesisifundo enganeni yakho noma uyifundele lenandaba uma uthanda.
9	Khombisa ingane yakho ividiyo bese uphinde ubuyekeze incazelo yayo.
10	Khombisa ingane yakho umsebenzi okufanele iwenze encwadini yayo yokusebenzela (I Also Want To....)
11	Khuleka, noma ucele ingane yakho ukuba ikhuleke bese uphetha isifundo.

Izinsiza zokufunda ezitholakalayo mayelana nokufundisela ekhaya.

Nazi ezinye izinsiza zokufunda zokungezelela lesisifundo sibe sezingeni leqophelo:

1. I-WhatsApp. Xoxani ngesifundo sesiQinisiso -2 nomunye umndeni osifundayo nawo.
2. Xoxisanani ngesifundo nabanye abazali ukuze uthole ukuchazeleka kahle mayelana nesifundo ngaphambi kokuba sifundiswe.
3. Khululeka ukwenza olwakho ucwaningo ukuze uthole ulwazi olungezekile.
4. Khuluma noMxhumanisi webandla lakho noma uThisha mayelana nemidanti engezekileyo.



Isifundo

Isihloko	Umkhuleko wethu
Umbhalo weBhayibheli	NgokukaMathewu 6: 5-7; KwabaseRoma 8:15; Thesalonika 5: 17
Inhloso yesifundo	Inhloso yalesi sifundo ukuthi abaQinisisiswa bavivinye futhi bacebise imikhuleko yabo.

Isifundo esifingqiwe:

- Ukuthandaza kusho ukukhuluma noNkulunkulu. Umthandazo wethu kufanele uvuselelwe yisidingo sangaphakathi nokulangazelela. Ukuthandaza kusho ukuzidonsela amandla okuhlonipha uNkulunkulu. Ngaso sonke isikhathi sifuna ukuthandaza kuNkulunkulu ngayo yonke inhliziyi yethu.
- Imikhuleko emibili kaJesu ifanelekile kulesi sifundo, okungukuthi:
 - Ø Umkhuleko weNkosi
 - Ø Umkhuleko kaJesu wokuncenga
- Bheka izinombolo zemibuzo nezimpendulo 632-642 kanye no-720 ukunikela ngomongo walesi sifundo.
- UNkulunkulu uyajabula uma sikhuluma naYe. Sifuna ukuthembela kuNkulunkulu ukuze njengabaNtwana baKhe sikhule ngokomoya futhi sifaneleke.
- Uma sithandaza akunandaba ukuthi sisebenzisa amagama amaningi noma amahle, noma sakha imisho ephelele.
- Umkhuleko wethu uqethe ukudumisa nokubonga uNkulunkulu, kanye nokunxusa nokunxusela abanye. Ezimweni ezikhethekile umthandazo wethu awudingi ukufaka zonke lezi zinto. Singaba sesimweni noma ezimweni lapho simane sincenge usizo lukaNkulunkulu. Umkhuleko wethu kulesisimo ubese uba namagama ambalwa-nje... "Nkulunkulu, ngisize!"
- Siqala usuku ngomthandazo bese siluphetha usuku futhi ngomthandazo. Ngaphambi kokuba sidle noma yini masithandaze sibonge uNkulunkulu ngokudla futhi simcele akubusise. Ezimweni ezikhethekile, isibonelo; ngaphambi kokuhlolwa esikoleni, singacela usizo kuNkulunkulu.
- Futhi, masingakhohlwa ukumbonga emva kwalokho. Ngaphezu kwalokho singaphendukela kubaPhathi bethu bezibusiso, abafundisi, nabo abazosithandazela! Ngomkhuleko, siyazilungiselela ngaphambi kwayo yonke imisebenzi yobungcwele.
- Emuva kokudla iSidlo esiNgcwele seNkosi kufanele futhi sibonge thina uqobo ngomkhuleko buthule. Masikhulume noBaba wethu osezulwini noma nini lapho sibona isidingo sokwenza kanjalo. "Thandazani ningaphezi"



Ingabe sisho ukuthini lesisifundo kithina namhlanje na?

- Esifundweni sanamuhla sifunde ngomkhuleko.
- Sifundiswe ukuthi umkhuleko uyingxoxo noNkulunkulu nokuthi akudingeki sisebenzise amagama amaningi futhi amahle ukukhuluma noNkulunkulu.
- Ngomkhuleko siba nobuhlobo noNkulunkulu.
- Umthandazo unezingxenywe ezahlukahlukeni kuwo; siletha ukukhuleka kuNkulunkulu, simbonge futhi sithandazele nabanye.
- Siyathandaza futhi lapho sidinga usizo lukaNkulunkulu.
- Sithandaza njalo kuNkulunkulu futhi sikwenza lokho ngokungaphezi.
- Kumele silwele ukukhuleka ngamandla nangokuqiniseka!

Eminye imibuzo esingayibuza:

1. Ingabe kufanele kube yini ukwakheka komkhuleko wethu na?

Impendulo: Umkhuleko wethu uqukethe ukudumisa, ukubonga, izicelo nokunxusa. Ezimweni ezikhethekile umthandazo wethu awudingi ukufaka zonke lezi zinto. Singaba sesimweni noma ezimweni lapho simane sincenge usizo lukaNkulunkulu. Umthandazo wethu lapho-ke ungaba namagama ambalwa.

2. Ingabe kungani sithandaze na?

Impendulo: Abazali bayazi ukuthi izingane zabo zidingani. Kepha, basafuna ukuthi babuze, babonge futhi babatshele okubakhathazayo. Ngamanye amazwi, abazali bafuna izingane zabo zikhulume nabo. Lokhu kusiza ukwakha ubuhlobo bokuthembana. Kanjalo noNkulunkulu uBaba wethu oseZulwini. UNkulunkulu uyajabula lapho sikhuluma naYe. Sifuna ukuthembela kuNkulunkulu ngendlela efanayo, ukuze kuthi njengabantwana baKhe sikhule ngokomoya futhi sifaneleke.

3. Ingabe kufanele sithandaze nini na?

Impendulo: Siqala usuku ngomthandazo bese siphetha usuku ngomthandazo.

Ngaphambi kokudla noma nini masithandaze sibonge uNkulunkulu ngokudla futhi simcele akubusise.

Ezimweni ezikhethekile, njengaphambi kokuhlolwa esikoleni, singacela usizo kuNkulunkulu. Futhi, masingakhohlwa ukubonga kamuva.

Ngaphezu kwalokho singaphendukela kubaPhathi bethu bezibusiso, abafundisi, nabo abazosithandazela! Singathandaza kuBaba wethu osezulwini nganoma yisiphi isikhathi, ngisho noma kuwumthandazo omfushane.

Masizilungiselele ngaphambi kwazo zonke izinkonzo eziNgcwele ngokuthandazela ukuthi sikwazi ukubona ukubaluleka kwayo nokuthi umphefumulo wethu ukwazi ukumunca izwi likaNkulunkulu nezibusiso zaKhe ngangokunokwenzeka.

Ngemuva kokudla iSidlo esiNgcwele seNkosi, kufanele futhi ukuthi sibonge thina uqobo ngomkhuleko buthule. Masikhulume noBaba wethu osezulwini noma nini lapho sibona isidingo sokwenza kanjalo.



UMkhuleko kaBaba noMama ngaphambi kwesifundo:

Nkulunkulu othandekayo, ngiyakubonga ngalolusuku

Busisa bonke abazali nezingane

Sengathi singabuzwa ubukhona baKho

Busisa isifundo esizoba naso

Sicela usifundise ukukukhonza

Futhi usisize ukwenza intando yaKho

Ukuze sikhule sisondele kuWe

Thumela uJesu azosilanda

Futhi kwangathi singalungela ukuhlangana naYe

Amen



Notes

Notes